



Juni 21, 2018
Tapvainak Tusagatsak

Tusagatsak AngajukKâmit Lampe Canadalimâmi NunaKakKâsimajuit Ullungani

UllusiuKatigettiluta Canadalimâmi NunaKakKâsimajuit Ullunganik ikKanattovuk ilitagiguttigik inoKatigijavut, nakummelugillu ikajusimalinninginnut, ikajuKattaninnulu Nunatsiavummiunik tukisitillugit ullunik Kângisimalittunik, sivuppiagasuasongunnimillu sâgiagunnaluta sunatuinnanik sivunnittini utakKijunik. IkKanattovullu ikKaumagiak ilitagillugillu sivullivut sakKijâgunnaituit ikajusimammata âkKisugudjisimammata kinaunnittinik inolluta, inoKatigennitnilu.

Labradorimiut Inuit suKusijuittosimalikKut tausendigiallatâni jârini, Kuvianattutigut, Kuvianangitutigullu. Kalunnât maligatsangit piusingillu uvattinik sâlaKagasuasimalikKut atsânillutillu silatunnittinik pijugiutjigajattinillu; Notitausimannik Nutâmmit, Hebronimillu ottulaukKuk suKusijuittogasuannittinik inoggagasuanniptini; ilinniavimmedluni paipvimegiaKaKattalaunnik uvattinik aviukKatitsigasualaukKuk sungiutisattilutalu Kaujimalungitattinik ilukKusiujumik. Piugugunnalungilagut, puigujutsaulungilagullu, ullunik Kângisimalittunik ijisimallutalonnet sulijutsautinnimit. Tamannalu uvattinik songunitsautitsisimavuk, katsungainnisautilidluta, pijugiutiKalidlutalu kinauniptinik.

Ullumiujuk sivuppiagutigijavut, atsugunnatullu sâlagiKattajavut Kangakiak ikKaumajaulâkKut – ilangit ulluni Kângisimalittuit atusimajavut sivunitsaliuvut ingutaptinut, ingutanginnulu.

UllusiuKatigenniptini Canadalimâmi NunaKakKâsimajuit Ullunganik, ullusiugutigivavut sivulligilauttavut, namminiptinik, piusigisimajavut, sivunitsavullu.

Pijugiutjigivunga Labradorimiungullunga Inogama, pijugiutjiKavunga sakKitisimalittatinik, KitaingautiKallungalu sivunitsatini Kaijunik.